

Hartleyweg Laerskool  
Leesbegrip-Comprehension  
Graad vier

Les Twee- 5 Oktober -09 Oktober 2020

Lees hierdie toneelstuk en beantwoord die vrae wat volg:

Die mier en die duif

*Verteller: Hierdie toneelstuk is oor 'n mier en 'n duif en die storie vind plaas in die bos.*

*Toneel 1: By die stroom in die bos.*

*Mier: Dit is snikwarm. Hier by die stroom is dit so koel. Ek dink ek sal gaan swem.*

*Verteller: Die mier duik in die troebel water. Maar skielik begin die water sterk vloei.*

*Mier: Help! Help! Red my! Ek gaan verdrink.*

*Verteller: 'n Sneeuwit duif vlieg verby.*

*Duif: Wat gebeur mier?*

*Mier: Ek gaan verdrink! Die water is te sterk vir my!*

*Duif: Moenie jou bekommer nie. Ek sal jou help!*

*Verteller: Duif laat 'n blaar in die water val. Mier klim daarop en seil na die wal van die stroom toe.*

*Toneel 2: Diep in die bos.*

*Verteller: 'n Week later sien mier duif in 'n boom sit. Voordat hy hallo kan sê, sien hy 'n man met 'n geweer. Die man wil die duif skiet.*

*Mier: Jou wrede man. Jy wil die arme duif skiet!*

*Verteller: Mier byt hom hard op sy groottoon.*

*Man: Eina! Eina!*

*Verteller: So het die man die geweer laat val.*

*Duif: Dankie, my vriend. Jy het my lewe gered.*

*Mier: Jy was ook 'n vriend in nood. Jy het my gehelp toe ek amper verdrink het.*



1. Wat is die titel van die storie?

---

2. Wat noem ons die persoon wat ons die inligting oor die storie gee?

---

3. Waar speel die eerste toneelstuk af?

---

4. Hoekom was mier by die stroom?

---

5. Wat het met die mier gebeur?

---

6. Wie het die mier se lewe gered?

---

7. Waar speel die tweede toneelstuk af?

---

8. Waar het die duif in toneel 2 gesit?

---

9. Wie het die duif se lewe gered?

---

**10. Sê of die volgende sinne WAAR of ONWAAR is. Haal (quote) sinne uit die teks om jou antwoorde te motiveer:**

10.1 Dit water in die stroom het baie kalm gevloei.

---

---

10.2 Duif laat 'n blom in die water val.

---

---

10.3 Mier het die man op sy toon gebyt.

---

---

10.4 Die duif was dankbaar dat die mier sy lewe gered het.

---

---

11. Watter les leer ons uit hierdie storie:

**Onderstreep die korrek antwoord**

- a) Ware (True) vriende sal altyd daar wees om u te help.
- b) Ons moet net vriende maak as ons hulp nodig het.
- c) Ons moet ons vriend ignoreer as hulle hulp nodig het.